



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 633. Usque Ad Annum 726

Fleury, Claude

August. Vind. [u.a.], 1760

VD18 90117840

§. 55. Ecclesiarum Orientalium Status.

[urn:nbn:de:hbz:466:1-66082](https://nbn-resolving.org/urn:nbn:de:hbz:466:1-66082)

§. LV.

Sæculum VII
A. C. 649.*Ecclesiarum Orientalium Status.*

Ex his Epistolis miserum Ecclesiarum in Ægypto & Oriente statum, ex quo Musulmannorum jugo premebantur, discimus. Multæ Pastoribus & Ministris destitutæ erant, & qui remanserunt, Hæresin docebant; nam præter Monothelitas, qui illo tempore oriebantur, veteres Hæreses omnes, Græcorum potentia paulatim deficiente, repullularunt. Nestoriani in Syria, & Jacobitæ seu Eutychiani in Ægypto rursus in lucem prodire ausi, nam Musulmannorum nihil intererat, quam Sectam Christiani ipsis subditi sequerentur, nisi quod illi, qui Communionem cum Episcopis Sedis Constantinopolitanæ vel Romanæ servabant, eis magis quam ceteri essent suspecti, utpote Imperatori Musulmannorum perpetuo hosti faventes. Inde etiam ex illo tempore seriem Patriarcharum Catholicorum Alexandrinorum, Antiochenorum, & Jerosolymitanorum difficulter invenimus. Catalogus S. Nicephori Constantinopolitani Episcoporum Alexandrinorum usque ad Petrum, quem quinquagesimum numerat, nempe Cyri Successorem, perducitur, Episcoporum Antiochenorum usque ad Anastasium, quem sexagesimum primum dicit, a Judæis

Sæculum VII dæis anno 610. interfectum, Jerosolymitanorum usque ad S. Sophronium, quam A. C. 649. S. Nicephorus sexagesimum secundum & ultimum ponit.

Sup. Lib. XX. XVII.

§. 2.

Elmarc. Chr. Orient.

Vans. heb. re. lat. d' Eg.

Sup. n. 23.

to. 2. p. 324.

p. 195.

p. 323.

p. 350.

At in aliis Aucto-ribus habemus seriem Patriarcharum Jacobitarum Alexandriae a tempore Benjamin, qui hujus Sedis Titulum gerebat, cum Musulmanni Vi-ctores ingruerent, & Euty-chius seriem Patriarcharum Melchitarum in illis tri-bus Cathedris atque annos a Regno Ca-lifarum computatos usque ad sua tem-pora nempe medium Sæculi X. adnotat. In Sede Alexandrina Cyro Successorem dat Petrum æque Monothelitam anno Othmani quarto seu anno Jesu Christi 648. Antiochiæ post Anastasium Sedes vacat annis viginti duobus, & deinde ponit Euty-chius Macedonium Patriar-cham Antiochenum Constantinopoli or-dinatum, anno Califæ Omari quinto, seu anno 639. Macedonius Antiochiam nun-quam venit, nec etiam Georgius, qui ei successit anno Othmani tertio, seu 647. nec Macarius, Georgii Successor, anno 654. Othmani decimo. Hi tres Monothelitæ fuere, & Constantinopoli semper versati. Jerosolymæ post S. So-phronium Sedes vacat annis 29. tum Eu-tychius ponit Joannem anno septimo Moavia, seu 668. Patriarcham electum.

S. Mar-

S. Martinus Papa non solum ad Orientales suas dedit Epistolas, sed etiam ad Episcopum Carthaginensem, omnes Episcopos & populos ipsi subiectos, in quibus significat, Fidei Confessionem, in eorum Epistola Synodali contentam sibi probari. Præterea eis Acta Concilii cum Epistola encyclica mittit.

§. LVI.

Epistola ad Paulum Thessalonicensem.

Cum Paulus Episcopus Thessalonicensis, iterum ordinatus, litteras suas Synodicas, suam Confessionem Fidei continentes, ad S. Martinum Papam misisset, ut mos ferebat, noluit eas recipere Pontifex, quod Monothelitis faverent; verum, Pauli Legatis affirmantibus, errorem, qui in ejus litteris apparebat, oscitantia scribentis irrepsisse, quem Paulus, quamprimum leniter moneretur, correcturus esset, flecti se passus est Papa, & ne quidem illo jure uti voluit, quo Paulum Sacræ Sedi speciatim subiectum compellere potuisset, ut Romam veniret, & canonice causam diceret; sed satis fore existimavit, ei opera Sacræ Sedis Legatorum, qui apud ipsum erant, ostendere, in quo errasset, eique transmitters formulam Fidei scriptam, quam profiteri deberet. At Paulus, deceptis Legatis, tradidit Fidei professionem, in qua, ubi de

Sæculum VII
A. C. 649.

Epist. 12.